



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: UP-1/21-3-40-456-3/21

Datum: 29.11.2021. godine

«Agencija za vodno područje rijeke Save» Sarajevo rješavajući po zahtjevu fizičkog lica Kadić Mahmuta iz Kaknja za donošenje rješenja o vodnoj dozvoli za ispuštanje tehnoloških otpadnih voda sa lokacije objekta za uzgoj peradi - koka nosilja, izgrađenog u naselju Gora, općina Kakanj, na osnovu člana 121. stav 3. Zakona o vodama („Službene novine Federacije BiH”, broj 70/06) i člana 67 stav (2) Zakona o upravnom postupku («Službene novine Federacije BiH, broj 02/98 i 48/99) d o n o s i

ZAKLJUČAK

Odbacuje se zahtjev fizičkog lica Kadić Mahmuta iz Kaknja za donošenje rješenja o vodnoj dozvoli za ispuštanje tehnoloških otpadnih voda sa lokacije objekta za uzgoj peradi - koka nosilja, izgrađenog u naselju Gora, općina Kakanj, na zemljištu označenom kao k.č. broj: 2030 K.O. Gora, općina Kakanj, zbog nepotpunosti dokumentacije i smatra se kao da nije ni podnesen.

Obrazloženje

Fizičko lice Kadić Mahmut iz Kaknja podnijelo je ovoj Agenciji zahtjev za donošenje rješenja o vodnoj dozvoli za ispuštanje tehnoloških otpadnih voda sa lokacije objekta za uzgoj peradi - koka nosilja, izgrađenog u naselju Gora, na zemljištu označenom kao k.č. broj: 2030 K.O. Gora, općina Kakanj.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev nisu dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari i zatražio dopunu podneska u skladu s članom 12. stav 3. i članom 19. stav 2. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH, broj 31/15, 41/20) dopisom broj: UP-I/21-3-40-456-2/21 od 29.10.2021. godine u kojem je zatraženo od podnosioca zahtjeva da isti upotpuni u roku od 15 (petnaest) dana od dana urednog prijema dostavljene obavjesti sa sljedećom dokumentacijom:

- Punomoć zastupnika podnosioca zahtjeva,
- Ovjerena kopija lične karte,
- Kopija rješenja o okolinskoj dozvoli / Potvrda da za predmetnu aktivnost nije potreba okolinska dozvola,
- Projektna dokumentacija za predmetni objekat (glavni projekat ili izvedenog stanja ukoliko je tokom izvođenja došlo do odstupanja u odnosu na projektnu dokumentaciju na osnovu koje je ishodovana građevinska dozvola)

Kako podnosilac zahtjeva nije dopunio podnesak u ostavljenom roku, kao ni do dana donošenja ovog Zaključka, to je u skladu sa članom 121. stav 3. Zakona o vodama („Službene novine Federacije BiH”, broj 70/06) člana 67. stav (2) Zakona o upravnom postupku, riješeno kao u dispozitivu ovog zaključka.

POUKA O PRAVNOM LIJEKU:

Protiv ovog zaključka može se izjaviti posebna žalba Federalnom ministarstvu poljoprivrede, vodoprivrede i šumarstva – Sarajevo, u roku od 15 (petnaest) dana od dana prijema ovog zaključka.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

Voditelj postupka:

Meho Čaušević B.Sc.ing.građ.

Po ovlaštenju
Rukovodilac sektora za izdavanje vodnih akata



Haris Ališehović, dipl.ing.građ.

Dostaviti:

- Kadić Mahmut., ul. Gora-Kakanj bb 72240, Kakanj
- ① AVP Sava, ISV-vodna knjiga
- Sektor 40 – arhiva
- Oglasna ploča – AVP Sava